

聖迦栴忿怒金剛童子菩薩成就儀軌經卷

中卷下同

言四

唐三藏沙門大廣智不空譯

我今復說作先行法於舍利塔前安本尊像
於三月十五日塗壇隨力供養取沉香搘酥
蜜酪晝夜擲火中護摩一誦一擲爐中若道
場中旛華搖動當知有効驗即於晨朝供養
三寶七日獲得財寶榮官皆得稱意及得珠
玉七寶等

又欲令空中出火者視望空誦真言二十一

徧意念即空中火出

又欲雨者觀虛空誦二十一徧即降甘雨取
雨水獻佛已後所作皆成

又欲空中雨華者觀虛空誦二十一徧即於
空中雨種種華

又欲令若男若女歡喜者以安息香作丸誦
二十一徧一稱彼名投火中即得歡喜
又加持菖蒲二十一徧口中含共人論議皆
得勝

又若毗那夜迦相逼惱作障難者繞憶念真

言一切皆消散若常念誦不間注意於彼障者并親族皆自滅壞

又法從黑月一日起首對像前每日三時念誦真言時別一千八徧燒安息香丸護摩至月末所求皆得又對像前以蓮華搘酥蜜酪

誦真言一千徧一擲火中護摩即獲伏藏

又求衣服者於趣海河入水立至胃取有藥

華誦真言一千八徧一擲水中即得衣裳十副

又法迦臘摩華搘酥蜜酪護摩真言一千八

徧一徧一投火中一切有情皆得歡喜順伏
又法對像前取蘇摩那華搘酥蜜酪護摩於
七日中日三時時別誦真言一千八徧徧徧
一擲火中一切人恭敬得爲邑主

又欲摧伏設咄嚩者取人骨爲機作被人形
或畫或捏加持一百八徧針於心上即得摧
伏

又欲摧彼設咄嚩令麼囉者取燒屍殘木作
機磨紫檀香以塗機上取屍林中帛纏機針
彼設咄嚩如前形頭上彼設咄嚩即母駄今

復說畫聖金剛童子像忿形虎皮裙右手把
金剛杵左手作施頭對像於舍利塔前作先
行法已以香華供養此像像前作方爐作增
益法取沉香可長大指節搘酥合油七日日
三時時誦真言一百八遍一擲火中護摩滿
七日已得持明仙安怛但那足離於地行疾
如風所聞永不忘

又欲成就藥者取羯揭迦羅華藥龍華藥白
檀香此等細擣熟研又取象脂其象年二十
裂即有流脂
異種極香取此脂和上件藥爲丸和藥時

取鬼宿日令童女沐浴著新淨衣擣篩香藥
及作七丸丸如梧子陰乾丸藥法以大指頭
指融蠟塗上又取竹膜貼蠟上意不欲上
有指文印藥上若有指文藥無靈驗也其

藥丸取生沉香作合子盛對像前結淨三時
念誦乃至合子中作佞性吒聲即取一丸
供養本尊一丸奉請一丸供養先成就者又

一丸分與助伴餘三丸以熟金銀薄重重裹
之於口中含即得安怛但那滅影藏形
又欲破他敵者取華置死人身上然後收取
燒屍殘木然火護摩七日取月黑分或中夜

或日中每時一百八徧對三角爐前面向南坐稱彼將師名用前華加持一徧一擲火中彼軍即破

又欲令淨行婆羅門歡喜者取俱嬾擎迦華常稱彼名七日內作護摩誦真言投華火中即得歡喜

又於舍利塔前取牛黃加持一百八徧用點額所行履處一切見者皆敬愛歡喜

又取骨屢草嫩苗搘酥護摩一千八徧一徧一擲火中即得一切災難悉皆殄滅及增壽

又法先已降伏者欲息彼苦三時以乳護摩彼苦則得消除

又欲求聞持不忘日誦萬言者對聖迦尼金剛像前種種供養於銀器中盛酥取酪法如下當明念誦乃至相現皆得聞持不忘

又欲得延壽者飲乳食大麥誦真言十萬徧對摩醯首羅像前取雄黃盛熟銅器中以七箇菩提樹葉如前上下覆蓋兼施八方天供養粥誠心念誦或有伴無伴應護自身結甲

胄印念誦乃至三相現若光相壽命萬歲

又欲得敬重者以鐵作輪或三戟叉於舍利塔前安金剛手菩薩像廣大供養置壇中右
手按上無間斷念誦乃至質質致致聲當知
成就手把叉或輪一切天人即皆順伏敬重
被人如佛又取^{言四}河兩岸土捏作頭指形安壇
中以金剛杵按上念誦乃至金剛杵及指來
近身當知成已後手把此指欲鉤召天龍八
部若男若女及畜生禽獸等真言句中稱彼
等名迅疾如風即至行者所使所作皆得順

狀

又延壽法對像塗壇供養於熟銅器中置牛
黃念誦乃至光出手把即壽五千年

又法取七箇蚯蚓糞泥加持塗圓壇壇上坐
念誦乃至空中有天妙藥下來繞執此藥身
如金剛手菩薩

又欲成就華法者取紫檀木雕作開敷蓮華
於舍利塔像前念誦乃至光現則變爲持明
仙最爲尊貴若至持明仙住洞之處一切天
龍八部皆得隨順

又法被毒蟲所齧鬼魅所病或瘡或被毒藥
所中取水加持七徧灑彼或飲即得除愈

又欲縛撲問字一日一夜不食念誦其法即
成或童子童女令澡浴著新淨衣塗拭泥圓
壇令坐縛問過去未來事皆知之此法設令

言四

五

犯四重五無間罪現生無成就分者由入曼
荼羅受灌頂已後念誦現生得一切成就況

具戒行者

又取牛黃末加持一千八徧用點額頭一切

人皆見歡喜若在軍陣刀箭不著身

又法晨朝取水一掬加持七徧飲之食飲不
求自至

又把袈裟角加持二十一徧共人論議皆得
勝辭無礙

又法經過賊境一心念誦即不被劫奪傷害
又法佉陀羅木灰散彼持誦人彼即持誦無
効若欲解時心誦真言一徧即解

又婦人產生取酥一兩加持二十一徧令服
即易產不受諸苦

又欲令惡人歡喜者取蠟捏作彼人形安於

腔上加持一千八徧暴惡忿怒人皆得敬順

歡喜

又對本尊像前獻白華一千八枚即一切恭

敬順伏

又持誦者飲乳或食大麥取蚯蚓捏作和修

吉龍王形坐彼王上念誦若動搖當知法成
龍王每日供十二人食亦說過未來事

又法從月一日乞食以自存至白月十四日

一夜對像前廣設供養念誦乃至像動即得
安怛但那安怛但那成就中最爲尊上心念

百味飲食則得壽五千年

又法入恒河立水至脣誦真言十萬徧然後
於恒河洲中印沙塔加持即將本尊像置河
岸側酥蜜酪相和護摩一切龍即來降伏所
處分事皆得成辦

又法乘船入海誦真言十萬徧^{音四}海龍王即來
現身所求皆得龍獻行者摩尼寶珠受已便
爲持明仙即飛騰虛空一切持明仙中爲最
尊

又法令金銅匠受八戒取熟銅作賢餅於中

置少分穀麥等一切種子及諸靈藥金銀七寶等少分塗拭曼茶羅每日三時供養置餅於壇中神通月取一日起首念誦至十五日無間斷念誦加持餅其餅有光焰現則持闍伽供養聖衆敬謝即取餅置於淨處所須之物內手入餅中所須一切財寶車乘衣服玩具隨所意求皆悉獲得餅中所出物先供養本尊其餅須加持防護不爾恐諸魔盜竊餅將去又法於入海河水立至會誦真言十萬徧然

後印塔或泥或沙則於像前廣設供養用水精作如意寶或用泥作安右掌中結跏念誦乃至放光即成如意寶得爲持明仙

又法於舍利塔前安像於神通月十五日像前依法廣供養然燈右手持寶幢幢上繫白繒垂下念誦乃至放光即得如意幢爲持明仙

言四又法於神通月十五日對像前廣供養取般若波羅密經夾以香泥塗夾以華鬘纏供養置於左手跏趺坐念誦乃至放光則通達一

切佛法無礙解辯爲持明仙徒遊六趣廣利
無邊有情至無上菩提

又法飲乳食大麥於大海岸獨樹下一日三
時時別誦真言一千徧大海中所有珍寶悉
皆踊出恣意取之

又法食菉豆於山上誦真言一千八徧則見
山中一切金恣意取之

又法加持酥一千八徧與無子息女人喫即

有男女

又法取醍醐加持一百八徧塗身入火不燒

入水不溺若當念誦不被一切毒藥所中
又法作先行法於黑月八日十四日廣大供
養本尊即請僧次供養以雄黃於道場中地
上畫百葉蓮華中坐念誦乃至地裂踊出蓮
華於蓮華葉上有十六持明仙圍遶飛騰虛
空有人若遇見或就者亦得飛騰虛空即此
蓮華變成寶莊嚴宮殿壽命中劫命終得生
淨妙佛國

又加持水一千八徧用澆枯樹即生華果又
於枯涸河中念誦水則盈滿又被水漂溺設

令解浮困乏無力念誦真言則得淺處
又願得僧大衆生歡喜者對像前獻華一千
八枚一誦真言獻一華則得又法取安息香
丸用護摩得金千兩

又法對像前以薰陸香護摩七夜別誦真言

一千八徧徧別一擲火中即得伏藏

又欲怨家歡喜者對像前以白芥子護摩七
日日三時時別誦一千八徧徧別一擲火中
即一切怨家降伏

又法加持油一千八徧塗刀箭傷瘡即差

又取土塊加持七徧擲於水中水中磨竭龜
鼈等皆口噤不能傷人

又法以此真言加持一切疾病皆得除愈
又法徧身疼痛或寒熱病一日二日三日或
常患加持油麻油一百八徧或二十一徧用

塗身即愈

又法毗舍遮瘡部多諸鬼魅瘡以真言加持
白縷結索帶之即差

又法取沉香木對本尊像前取犢糞和酥蜜
酪護摩七千徧則有一黃牛來又取犢子糞

和酥蜜酪二萬緡如前護摩其牛必來取其乳供得千人

又對滿賢大將前取蘇摩那華日燒八千乃至六月即得金錢千貫

又法供養像從月一日至十五日每日漸加一僧初請七僧日滿已其像出語告言汝今成就是後對像念誦所求皆得成就

又法令童女澡浴著新淨衣右合五色線加

持一百八徧繫右臂上即除疾病福德增長又於趣海河水中取黑油麻以三指頭撮誦

真言一徧一擲一撮於水中滿八千徧即得穀麥豐饒

又每日取有香氣華一百八枝誦真言加持一徧一獻本尊獲大福

又法取百合莖然火取菖蒲一千八段搘酥護摩一誦真言一擲火中取灰於額上點即得安怛但那如一徧不成至第二第三必得成就

又於菩提樹下亦得樹供養聖者像取牛膝草搘酥蜜酪護摩一千八徧即得象驢驃牛

水牛等自來隨順驅使又春三月黑分受八戒於舍利塔前塗壇香華供養日日請僧次齊取瓦餅底不黑者四枚滿盛水持種種香

種種藥少分置於餅中一一餅誦真言加持黑分八日早朝烏未鳴時令男女沐浴對本

尊像前取屍林燒屍火及殘木取茴香華護摩誦真言十萬徧一擲火中即得飲食無有窮盡廣應惠施供養

又法若被囚禁枷鎖纔誦真言即得解脫又於神通月對本尊像前飲乳食大麥從十

三至十五日不間斷念誦聖者即來燈焰增盛地動像動出聲告行者言汝今成就已後對像念誦所求皆得

又法於有舍利塔前誦真言十萬徧所作重罪應墮惡道皆得消滅

又法每日烏未鳴時取胡椒七顆加持二十徧自吞之即得聞持日誦一百五十徧徧別一擲火中所求榮官財產聰慧增壽悉皆獲得

又法於河兩岸遠人間擣帛杵聲處取土作

方七肘壇於壇上畫千葉蓮華於蓮華上以如來一疋手凡人一肘量取五種金金銀銅錫相和

銷爲一輪置於華上用種種華供養壇四邊然酥燈七盞四方置四餅盛香水餅中置七寶少許餅上安俱緣果應燒薰陸香沈香室利吠瑟吒迦香安息香應施四方天食東方施粳米酪飯南方施水和粳米飯西方施粳米砂糖飯北方施乳粳米粥對此壇前以波羅耆木然火取牛膝草一千段搗酥護摩先加持七徧然後一徧一擲火中午膝滿以其

輪放光手持此輪即得飛騰虛空一切持明仙皆悉順伏敬事如佛

又於白月十五日月蝕時行者受八戒對舍利塔前一日一夜不食取瞿摩夷未墮地者塗一圓壇大小如一牛皮許大取黃乳牛犧子母同色者令童女擎乳酪秤酥取酥七兩置於金銀器中以左手持酥以右手無名指攬酥誦具言加持若煖飲之得聞持不忘日誦萬言一誦之後終身不忘若得烟相一切人見者愛敬尊重光相現者安怛但那分供養酥

及日能如
前法中

又若城邑聚落有疾病流行於中夜塗一小壇供養白食取乳木柴然大取酥護摩一千八徧別一稱國王名投酥火中疫病遠離國界

入欲降伏藥叉者取尼拘陀樹木長十指截搣酥蜜酪護摩一千八徧即伏
又欲伏癩癪鬼吸人精氣鬼取黑羊毛護摩一千八徧彼鬼服已病者除愈
又欲降伏摩醯首羅者取安息香作一千八

九搣酥護摩一千八徧一切摩醯首羅所有使者悉皆降伏能成辦一切事

又法取雄黃一兩隨索價用婆羅皂莢木亦柴然火燒雄黃如火色已欲收取置熟

木相

六

銅器

中

以酥

燒

雄黃

上其酥

取黃牛母子同

色者令童女擎乳卧酪抨酥取酪蜜餉各別器中盛供養本尊收取雄黃盛於熟銅合子中候月蝕時從十三日至十五日三日斷食對舍利塔前面向北坐取菩提葉七枚四枚敷合下三枚覆合上無間斷念誦若暖相現

取點額一切人見皆悉歡喜若烟相現則安
恒但那成就若光相現則飛騰虛空如是依
前法求成就雖黃牛黃安膳那法皆得唯牛
黃法少異於此牛黃法取月十五日於荷葉
中裹牛黃安於二手中合掌無間念誦加持

乃至三相現所獲果報如前

又法以五金作蓮華取鬱金香牛黃龍腦香
研作末取天雨水和爲七丸於舍利塔前安
像念誦以右手按藥乃至放光則飛騰虛空
爲持明仙壽命一萬歲若以真言加持頭冠

臂釗腰條皆得成就如前設令破戒壞行所
爲所作尚得成就何況具戒行者又取犢子
瞿摩夷護摩七日每夜一時誦真言一千八
徧一徧取瞿摩夷少許一擲火中得牛一百
頭

又法入河中立水至胷取蓮華搘檀香如摩
誦一百千徧別一擲水中所得伏藏積如
蓮華

又法取吉祥木一千八段搘酥護摩三日日
三時一千八徧即得財寶豐饒

又法取烏油麻稻穀華相和對像前護摩三

日日三時時別一千八徧徧別一擲火中即

得家中飲食無盡

又欲得降伏一切龍王者取種種華護摩三

日日三時時別一千八徧即得一切龍降伏

又欲降伏藥叉者對像前取安息香丸護摩

七日日三時時別一千八徧即得一切藥叉

降伏

又法欲召藥叉者取無憂木準前藥叉護

摩法即得藥叉來恭敬承事所湏一切衣

服飲食及諸財寶隨意供給

又法對根本像前取沉香木搣酥護摩三七

日日三時時別一千八徧即得一切諸天歡

喜助護災難消滅福德增長

又法若被囚禁夜時澡浴著新淨衣服誦真

言一千八徧即得解脫

又法若被人瞋怒欲相損害者取油麻護摩

一千八徧即彼人歡喜

又法誦真言加持菖蒲一千八徧繫於臂上

於佗人邊出言所求皆得稱意又常念誦於

諸怨敵得勝不被侵陵

又法取旗幡以真言一百八徧以香華并酪
七椀供養旗幡及獻闍伽即持此旗引軍前

彼軍見旗自破

又法若城邑被奪應對像前取黃色華七日

護摩日日像前誦真言一千八徧一徧一擲
火中先有城邑被他所奪即皆卻得

又法作先行法取白芥子七日七夜護摩一
月內其宅中雨寶

又法對像前香華供養飲乳食大麥取蓮華

塗搘酥護摩一千八徧得金千兩

又法取赤蓮華十萬塗護摩十萬徧心所願
求悉皆得之

又法取白蓮華一萬枚搘酥護摩一萬徧即
得官祿高遷

又取白檀香搘油護摩十萬徧言四即獲金錢一
千枚

又法取沈水香護摩十萬徧別一擲火中
日誦萬言耳所曾聞經典乃至終身不忘

又法取黃乳牛子母同色者擎乳成酪抨酥

於金器中盛誦真言加持十萬徧即喫得聞持不忘日誦萬言

又法取棟子搗香油護摩十萬徧一切囚閉被禁縛人皆得解脫

又法若見怨家心誦真言彼起慈心不能爲害

福德具相之男

言四

十五

又法一切疾病誦真言加持楊枝拂彼即除愈

又法取五色線結索加持七徧繫臂一切鬼魅悉皆遠離

又法加持淨灰七徧塗壇散之即成結界又法婦人不收男女者月經後取母子同色牛乳加持一百八徧令彼女人禮佛菩薩令飲又煮乳粥和酥加持一百八徧與服即生

又法作先行法像前香華供養取沈香可如大梅指節搗酥合油護摩七日日三時時別誦真言一千八徧徧別一擲火中即得持明仙安怛但那成就足離地疾行及得聞持不忘

聖迦栴忿怒金剛童子菩薩成就儀軌經卷
中

聖迦栴忿怒金剛童子菩薩成就儀軌經卷
下

唐三藏沙門大廣智不空譯

我今說縛撲印法先以瞿摩夷塗一圓壇一
肘量取七八歲童男或童女著新淨衣先令

潔淨三日立於壇中燒安息香先加持香七
徧然後燒之又取華加持七徧置童子當中
令掩面然後行者結契誦真言行者面向東
童子面向西其印以二手內相叉作拳二小
指相鈎以大指並疊捻如鉤鎖形安於額牢
掘彼童男即語以二大指向外撥童子即卻
遠後行二大指向身招童子即向前來即成
鉤召以印左右揮其童子即隨印左右撲舉
印向上童子即立問其吉凶三世之事一一
皆實所作疾成爾時金剛手菩薩以偈頌曰